

LIANG-TAH-GOSIAO-NYING

〈亮塔個小人〉

KWU-Æ-TS P'ONG-DJOHBENG-YIU

〈孤哀子碰着朋友〉

teng AO-HWESHIH-HWÔNGKY'IN-TSAO

等〈懊悔說謊欠早〉

Keh sǎn-peng siao Veng-shū z MO S-MEO SÔ-ZAO-GO

箇三本小文書是慕師母所造個。

LONDON:

BRADBURY, EVANS, & CO., 11, BOUVERIE STREET.

1866.

LIANG-TAH-GOSIAO-NYING

亮塔個小人

Lăe Da-ing nen-pin hăe-li yiu hyū-to tsiaoteng sô keh-sing Yiu-sing tsiao yiu k'en-c'ih ing-we z do-go hăe-li c'ih-tong-go yiu-sing z k'en-feh-c'ih-go ing-we z shū-li
來大英南邊海裏有許多礁等沙箇星。有星礁有看出，因為是大個，海裏出東個；有星是看弗出個，因為是水裏
meh-sah-go Keh-cū di-fōng yiu do ngwe-hyin ziu-z joh-sih-go lao-da yia iao vānmao-bing 'o-hwōng feh dzăe'ōng-go cū-kwu ih-p'ong-djoh keng-kô iao ngô-tsiao ts'in-sô jūn ziu
沒煞個。箇株地方有大危險。就是熟悉個老大也要犯毛病，何況弗在行個主顧一碰着更加要研礁淺沙；船就
we tso-diao keh lăe yia-tao z'eo z yū-kô vān-kwān
會做掉。箇來夜到時候是愈加犯關。

Sô-yi lăe keh-sing tsiao-go zōng-teng pih-iao shih-lih kao-kao-go liang-t'ah lăe liang-t'ah-go ting-den pih-iao tin sǎn-s kwun-goteng-tsǎn s-teh keh-sing lao-da feh-zing s-long k'o-yi k'en
所以來箇星礁個上頂必要設立高高個亮塔，來亮塔個頂頭必要點三四管個燈盞，使得箇星老大弗曾駛攏可以看
-kyin bi-ko Lăe liang-t'ah-li yia yiu nying deng-tih hao cōng-kwun t'ah-li-go teng-tsǎn
見，避過。來亮塔裏也有人庵的好掌管塔裏個燈盞。

Yiu ih-zo liang-t'ah doh-zi ih-go nyingkwun-go djū gyi siao-nōn ts-nga m-yiu bih-nying deng-tih siao-nōn-go ming-z kyiao-leh Me-tsia
有一座亮塔獨自一個人管個；除其小囡之外嚟冇別人庵的。小囡個名字叫勒梅姐。

Yiu ka ih-nyih kw'a-yia z'eo ah-tia iao tao ngen-zōng ky'i ma tong-si z dzongliang-t'ah tengngen-zōng keh-da siang-lin-go sô-nyi-di ka ky'i Keh-da lu yia tsih-yiu ih-go
有介一日，快夜時候，阿爹要到岸上去買東西；是從亮塔彼岸上箇埭相連個沙泥地介去。箇埭路也只有一個
z-zing kong-fu hao tseo ing-we dziao-shū ziu iao tsiang-ky'imēh-sah s-teh gyi lu tu k'en-feh-c'ih-go
時辰工夫好走，因為潮水就要漲起沒煞，使得其路都看弗出個。

Ah-tia teng-tsǎntsōng-hao-ts feh-zing tin-go ing-we z'eo mi-de gyi ziu teng Me-tsia bih-ih-bih wô Siao-nōn ngô we kw'a-kw'a tseo-cūn-lăe tin teng-tsǎn wa lăe
阿爹燈盞裝好仔，弗曾點個，因為時候未了，其就等梅姐別一別，話：「小囡，我會快快走轉來點燈盞，還來
leh-gyi Ng hao-vong p'ô ngô ziu lăe-gyi
勒及。爾好甯怕，我就來其。」

[1] 原書此處錯印爲 hao-vōng

Me-tsia ziu doh-zi lăe liang-t'ah-li lăe-kǎn Gyi k'en-kyin t'in kw'a yia-de lōng lăe-tih p'ah-lăe p'ah-ky'i-go dōn-ky'ūn lăe-tih c'ōng-djōng keh-go tsiao yi t'ing-meng yiu mang-mang
梅姐就獨自來亮塔裏來問。其看見天夜了，浪來的拍來拍去個，團圈來的衝撞箇個礁；又聽聞有猛猛
fong do-do-go sing-hyang lăe-tih bô-ky'i-lăe ziu hyiao-teh pih-yiu fong-pao lăe-gyi
風，大大個聲響，來的爬起來，就曉得必有風暴來其。

Me-tsia-go ah-nyiang yiu sǎn-nyin zin-deo ko-de Gyi tsao-yi yia deng-lăe keh lang-loh-go liang-t'ah-li Ing-we z gyin-sing-go nyū-nying feh-zing si-ts zin gyi peh-djōng kao-kao
梅姐個阿孃有三年前頭過了。其早已也庵來箇冷落個亮塔裏。因為是虔心個女人，弗曾死之前，其不常教教
siao-nōn doh Sing-shū peh-djōngkōng Yīe-su dao-li peh gyi t'ing peh-djōng ts-tin T'in-vu-go 'ōng-eng we s-loh Gyi doh-ts Yīe-su tao shū-kǎn-zōng lăe hao tso cong-nying-
小囡讀《聖書》；不常講耶穌道理撥其聽；不常指點天父個鴻恩，會賜落其獨子耶穌到世間上來，好做衆人
go kyiu-cū hao sô-c'ih Gyi sing-ming ky'i c'ū-joh cong-nying-go ze Ah-nyiang yia peh-djōngwô-hyang gyi siao-nōn dao Kyiu-cū Yīe-su fi-dǎn we siu-liu do-nying yia we siu-liu
個救主，好捨出其性命去取贖衆人個罪。阿孃也不常話向其小囡道，救主耶穌，非但會收留大人，也會收留
siao-nying sô-diao gyi ze peh gyi teh-djoh t'in-koh-go foh-ky'i Gyi we ts-tin Mô-t'a tsōng tsih peh gyi k'en ziu-z Yīe-su Zi sô-kōng-go shih-wô
小人，赦掉其罪，撥其得着天國個福氣。其會指點馬太 XIX 章，14 節，撥其看，就是耶穌自所講個說話，
Hao-peh keh-sing siao-nying tao Ngô u-sen lăe feh-k'o tsu-djū gyi ing-we t'in-koh-go nying z keh-cong ka-go
「好撥箇星小人到我烏碎來，弗可阻住其，因為天國個人是箇種介個。」

Lăe tsiao-go 'eo-pe gying-tinngen-zōng yiu ih-pōng gyiang-dao p'ô-p'ô-go siang-mao tseo-lăe-tseo-ky'i lăe-tih jing-lo Gyi ziah k'en-kyin yiu jūn ts'in-sô ngô-tsiao ziu we kw'a-
來礁個後背，近點岸上，有一幫強盜，怕怕個相貌，走來走去來的巡邏。其若看見有船淺沙，研礁，就會快
kw'a t'iao-lōh siao jūn ts'ang-long-ky'i hao-ziang ky'i pōng-dzu jih-we ky'i ts'iang-kyih
快跳落小船，撐攏去，好像去幫助，實爲去搶劫。

Keh-pǎn-wā-nying k'en-kyin Me-tsia-go ah-tia cūn-lăe ziu hwun-hyi-siang lih-k'eh ts'eng-c'ih ih-go hyūōng-ōh-go kyi-kao Gyi hyiao-teh keh-zo liang-t'ah-li tsih-yiu ih-go siao nyiang-ts
箇班壞人看見梅姐個阿爹轉來就歡喜相，立刻忖出一個兇惡個計較。其曉得箇座亮塔裏只有一個小娘子
lăe-kǎn ziah lah-djū gyi ah-tia feh-hyū gyi kyū-ky'i m-yiu nying hao tin teng-tsǎn Teng-tsǎn feh tin-ts jūn ih-ding iao ngô-tsiao keh-tsaotsong yiu ho-veh hao-peh gyi do-
來問，若攔住其阿爹，弗許其歸去，嚟冇人好點燈盞。燈盞弗點仔，船一定要研礁；箇遭總有貨物好撥其馱
leh-ky'i Gyi yia teh-cū tsao-t'in-nyiang yiu hao kyi-tsah tsǎe-leh pao-pe ho-veh-go jūn we s-long-lăe Keh-go kyi-meo ts'ang-hao-ts gyi ziu ding-kwe lah-djū Me-tsia-go ah-tia feh-hyū
勒去。其也得知早天亮有好幾隻載勒寶貝貨物個船會駛攏來。箇個計謀撐好仔其就定規攔住梅姐個阿爹，弗許
gyi ky'i tin teng-tsǎn
其去點燈盞。

Keh-congnying dza ôh-go feh-kwu nying-kósing-ming c'ih-t'eh tæ̃n iao jün tso-diao hao ts'iang bih-nying-go ho-veh zi fah-leh do-dzæ K'o-sih K'o-sih Sing-shū
箇種人咋惡個！弗顧人家性命出脫，單要船做掉，好搶別人個貨物，自發了大財！可惜！可惜！《聖書》
wô Nying-gosing z væn-veh ts-nen ting ky'i-p'in kæn-tsô-go jû neng-keo lia-leh-tao Keh-tsih shû jih-we z kóng-djoh-go
話，「人個心是萬物之內頂欺騙奸詐個，誰能夠料勒到。」箇節書實惠是講着個。

Me-tsia-go ah-tia tong-si ma-hao-ts ky'ih ih-tsah læ̃n tsi-leh mun-deokeh-sing cùn-læ̃ i-pin læ̃-tih tseo-tseo i-pin læ̃-tih s-siang Gyi sing-li ts'engkeh-zóng tin teng
梅姐個阿爹東西買好仔，挈一隻籃，嚟勒餵頭箇星，轉來，依邊來的走走，依邊來的思想。其心裏忖箇响點燈
-tsæ̃nk'eo-k'eotsing-hao Tseo-tao só-di kw'asiang-gying keh-singgyiang-daodzong gyi iu-tih-go di-fóng ziu ts'ôn-c'ih-ky'i l a gyi tao di-jiang-li bo-hao gyi siu-kyiah keh-tsaosong
盞扣扣正好。走到沙地快相近，箇星強盜從其幽的個地方就竄出去，拉其到地垠裏，縛好其手腳，箇遭送
gyi tao kah-pih-go liang-ding peh gyi le-tao Gyi dziang-ya bah-lih-lih gyiugyang-dao sih-fóng gyi gyiang-dao tsih-we c'û-siao gyi Yiu liang-go nying z-z k'eh-k'ehkwun-siu gyi
其到隔壁個涼亭撥其跌倒。其長夜白力力求強盜釋放其；強盜只會取笑其。有兩個人時時刻刻管守其，
yü-to coh-kwunpeng-tao hæ-du-zóng ky'i jing-lo
餘多只管奔到海塗上去巡邏。

Me-tsia-go ah-tia læ̃ liang-ding-li læ̃-tih dziah-kyih wô Keh-tsau dza long-fah ngô c'ong-æ-go siao-nôn zi kwu-ling-ting læ̃ liang-t'ah-li læ̃-kæn keh-sing teng-tsæn gyi feh neng-keo
梅姐個阿爹來涼亭裏來的着急，話，箇遭咋弄法！我寵愛個小囡自孤伶仃來亮塔裏來問；箇星燈盞其弗能夠
tin yia m-yiu bih-nying læ̃-kæn hao tin-go feh tin-ts k'ong-p'ô yiu hyû-to jün iao tso-diao hyû-to nying-gosing-ming iao c'ih-t'eh wa z dza-go kyih-sah ni
點，也嘸有別人來問好點個；弗點仔恐怕有許多船要做掉，許多人個性命要出脫；還是咋個結煞呢！

[1] 原書此處錯印爲 c'ông-æ-go

Me-tsia dzong siao-go kæn-deo boh-ts tsiang-kæn sing-li wô Ah-tia ziu we læ̃-gyi keh-zóng z loh-tin-cong gyi hyiao-tehdziao-shû ziu iao tsiang-ky'i Z-ming-cong k'ao-leh pah
梅姐從小個間頭伏仔張問，心裏話，「阿爹就回來其；箇响是六點鐘；其曉得潮水就要漲起。」自鳴鐘敲了八
tin-cong Me-tsia dzing-yüan-æ̃n-tsing'sing-tingtsiang-kæn tsih-z wa m-neh k'en-kyin gyi ah-tia læ̃ Tao pah-tin cong keh só-di ts'ô-ih-ngæn be dziao-shûmeh-zóng-de tsih-leh wa
點鐘梅姐仍舊眼晴清盯張問，只是還曉得看見其阿爹來。到八點鐘箇沙地差一眼被潮水沒上了；只勒還
yiu-tin t'ah-tang-t'ah c'ih-tong-go iao tsoekæn kyiah-bu wa k'o-yi tseo-go Tsæ̃deng ih-hyih dziao-shû 'o-jün tsiang ko-deo-de kao-jû só-di hao kyi-ts'ah
有點塔打塔出東個，要走揀腳步還可以走個。再厝一歇潮水和然漲過頭了，高如沙地好幾尺。

Keh-tsau Me-tsia yiu do sing-hyang eo-leh wô Ah-tia yüong læ̃ Tseo-leh kw'a Ng læ̃-kæn tso-soh Ng feh-tsiao tao 'ah-li ky'i Ng-go siao-nôn yiu mông-kyi feh
箇遭梅姐有大聲響謳勒，話，「阿爹，用來！走勒快！爾來問做啥？爾弗照到何裏去？爾個小囡有忘記弗？」
Dæ̃n-z gyi eo-feh-ing tsih-leh t'ing-mengdziao-shûtsiang-zóng tengmang-mang fong-go sing-hyang
但是其謳弗應；只勒聽聞潮水漲上，等猛猛風個聲響。

[1] 原書此處錯印爲 mong-kyi

Me-tsia hyiao-teh keh-ya t'in pih-dingtang do fong-pao gyi ah-tia ziah feh læ̃ tin teng-tsæn k'ong-p'ô yiu hyû-to jün we-leh teng-tsæn feh-tin-go iao ts'in-sô ngô-tsiao be
梅姐曉得箇夜天必定打大風暴；其阿爹若弗來點燈盞，恐怕有許多船，爲了燈盞弗點個，要淺沙，研礁，被
tso-diao Gyi ts'eng-tao keh-sing z-kæn tsih-we ü-ts-li zo-lôh k'oh-læ̃ k'oh-ky'i long-do pe-shóng
做掉。其忖到箇星事幹只會椅子裏坐落哭來哭去，弄大悲傷。

Wa læ̃-tih k'oh-go z'eo gyi kyi-teh tao ah-nyiangdzong-zinteng gyi peh-djông só-kông-go shih-wô Kyûô-jû ah-tia yiu p'ong-djohngwe-hyin kyih-naen ng yüongkw'a-kw'a ky'i gyiug-yiu
還來的哭個時候其記得到阿孃從前等其不常所講個說話，「假如阿爹有碰着危險，劫難，爾用快快去求求
Yiæ̃-su pông-dzu kyiu-c'ih Gyi ziu lih-k'eh bô-ky'i peng-tsing vông-li gyû-tæn-lôh gyiu-gyiu wô Dz-pe-go Cû gyiu-gyiu Ng yüong ts-tin ngô tao-leh ka-go
耶穌幫助，救出。」其就立刻爬起，奔進房裏，跪帶落求求，話，慈悲個主，求求爾用指點我，到了介個
kying-di kæ dza-go tso-fah Tsæ̃gyiu-gyiu Cû pao-wu to-hwô ngô-go ah-tia s-teh gyi we m-ko m-naen en-en-tæn-tæn kyû-læ̃
境地，該咋個做法。再求求主保護，朵化我個阿爹，使得其會嘸過嘸難安安耽耽歸來。

[1] 原書此處錯印爲 pao-wn

Keh-tsaodziao-shû yiu kah-zóng só-di deh-ma ts'ahsing nyih-deo yiu pun-go z-zing lôh-sæn-de yüih-liang yia yiu c'ih-zóng-de tsih-leh be heh-yüing tsô-djû t'in ziu moh-ts'eh-
箇遭潮水有溢上沙地特賈尺深；日頭有半個時辰落山了，月亮也有出上了，只勒被黑雲遮住；天就墨漆地
di-en lin ih-lih sing tu m-neh k'en-kyin
暗，連一粒星都嘸得看見。

Læ̃ ngen-zóng keh-singgyiang-dao sing-li læ̃-tih tang-sôn siang-vông keh fong-pao c'û jün tao só-di be ky'üoh-mah Gyi-lah læ̃-tih ts'eng jün-li-go shû-siu m-neh k'en-kyin liang-
來岸上箇星強盜心裏來的打算，想望箇風暴吹船到沙地，被喫沒。其拉來的忖船裏個水手，嘸得看見亮塔
t'ah-li-goteng-tsæn tsong we m-deo m-jû s-long-læ̃
裏個燈盞，總會嘸頭嘸緒駛攏來。

Me-tsia-go sing-siang iao zi ky'i tin teng-tsæn tsih-z teng-tsæn pa-leh kao-kao-go gyi nying a-a-go feh neng-keo lia-leh-djoh Gyi ziu teh ih-bu lu-t'æ̃ ky'ih-ky'ihk'eh-k'eh
梅姐個心想要自去點燈盞；只是燈盞擺勒高高個，其人矮矮個，弗能夠撩勒着。其就掇一部路梯，乞乞克克
en-læ̃ teng-tsæn-ô ih-keh ih-keh hyih-zóng-ky'i tsih-z wa ky'in-kao teng-tsæn wa lia-leh-djoh Gyi tsæ̃ tseo-lôh-læ̃ tao vông-li ky'i do ih-tsiang siao coh-teng lao-lao loh-loh pô
安來燈盞下，一格一格吸上去；只是還欠高，燈盞還撩弗着。其再走落來到房裏去馱一張小竹凳，勞勞碌碌把
lu-t'æ̃ fong-læ̃ coh-tengzóng ziu hwun-hwun hyi-hyi bô-zóng-ky'i lu-t'æ̃ tsæ̃ hyih-zóng sing-li siang-vông keh-tsaotsong hao tin-leh-djoh Dæ̃n-z wa feh neng-keo se-tsih kyiah-tsih-
路梯放來竹凳上，就歡歡喜喜爬上去，路梯再吸上，心裏想望箇遭總好點勒着。但是還弗能夠；雖即腳節
meh-di tin-tæn-ky'i wa ts'ô ih-ngæn
未蹄跔帶起，還差一眼。

Keh-tsau gyi sing li læ̃-tih ts'eng ziah yiu ih-keng bông hao pô zi-læ̃-ho bo-læ̃ gyi deo-li ka ziu ih-ding hao tin-leh-djoh lh-ts'eng-tao gyi tsæ̃ tseo-lôh-læ̃ ky'i zing ih-keng
箇遭其心裏來的忖，若有一根棒好把自來火縛來其頭裏介就一定好點勒着。一忖到其再走落來去尋一根
bông-dên Dôn-dônky'ün-ky'ün kôh-kôh lôh-lôh zing-leh k'o-lin ih-ngæn zing-feh-djoh
棒頭。團團圈圈，角角落落，尋勒可憐，一眼尋弗着。

[1] 原書此處錯印爲 bong

Fong-pao yi-kying tso-leh p'ô-p'ô-de Jün-li-go lao-da m-neh k'en-kyinliang-t'ah-goliang feh hyiao-teh gyi læ̃ 'ah-li feh hyiao-teh gyi jün z s-tao soh-go di-fóng jih-dzæ̃
風暴已經做勒怕怕了。船裏個老大，嘸得看見亮塔個亮，弗曉得其來何裏；弗曉得其船是駛到啥個地方；實在
z long-leh m-shih-fah
是弄勒嘸設法。

Keh-go z'-eo Me-tsia-go ah-tia læ liang-ding-li tso gyi-tao wô Gyi-gyiu T'in-vu læ keh-zo en-lih-boh-long kwu-ts'ing lang-lôh-go liang-t'ah-li æ-lin pao-wu ngô c'ong-æ-go
箇個時候梅姐個阿爹來涼亭裏做祈禱，話，「求求天父來箇座暗力薄朧孤清冷落個亮塔裏哀憐，保護我寵愛個
siao-nôn
小囡。」

[1] 原書此處錯印爲 siao-son

Me-tsia-go sing 'o-jün næn-ko ziu ts'eng-taokeh-peng do-do-go Sing-shü 'oh-tsia ky'i do-læ din lu-t'æ wa keo kao-do wa k'o-yi tin teng-tsæn daen-z Jing-ming-go
梅姐個心和然難過就付到箇本大大個《聖書》，或者去馱來墊路梯還夠高大，還可以點燈盞；但是神明個
Sing-shü dza ken kyiah-li dah-djoh ni Tsæ-wô ngô ts'ing-æ-go ah-nyiang wa læ-tong z dza tseng-kwekying-djongkeh-peng shü ni Wa-yiu gyi tsæ ts'eng do keh-peng Sing-shü
《聖書》咋敢腳裏踏着呢？再話我親愛個阿孃還來東時咋尊貴敬重箇本書呢？還有其再付，馱箇本《聖書》
ky'i kyiu nying-gosing-ming Jing-ming tsæ-ve feh hwun-hyi Ah-nyiang ziah læ-tong yia tsong we peh ngô yüong Ts'eng-ko yi ts'eng gyi ziu k'ô-ding cü-i lih-k'eh ky'i do keh-peng do-do
去教人個性命，神明再膾弗歡喜。阿孃若來東也總會撥我用。付過又付其就約定主意，立刻去馱箇本大大
Sing-shü din-læ lu-t'æ-ts'ô tsæ hyih-zông-ky'i s-s-k'en Keh-tsao z k'eo-k'eotsing-hao ziu teng-tsæn ih-kwun ih-kwun gyi tin-leh shih-kwah-liang s-teh dön-ky'ün-go
《聖書》，墊來路梯之下，再吸上去試試看。箇遭是扣扣正好，就燈盞一管一管其點勒雪刮亮，使得團圈個
hæ-li tu ming-mingsiao-djoh
海裏都明明照着。

Ah-tia læ liang-ding-li k'en-kyin liang-t'ah-li yiu liang-kwóng ing-c'ih-læ mô-zông ken-zia Jing-ming-go eng-we we pông-dzu gyi-go siao-nôn læ keh-go ngwe-hyin-go z'-eo hao tin-dziahteng-
阿爹來涼亭裏，看見亮塔裏有亮光映出來，馬上感謝神明個恩惠會幫助其個小囡來箇個危險個時候好點着燈
tsæn tsih-z feh hyiao-teh dza ih-tsong tso-fah-go
盞；只是弗曉得咋一種做法個。

[1] 原書此處錯印爲 pong-dzu

Keh-sing jün-li-go nyingk'en-kyin keh-go liang-kwóng yia feh-tsiao dza hwun-hyi Gyi-lah jün ts'ô-ih-ngæn s-long ngwe-hyin-go di-fông daen-z wa læ-leh-gyi hao bi-ko tsiaoteng só
箇星船裏個人看見箇個亮光也弗照咋歡喜。其拉船差一眼駛攏危險個地方，但是還來勒及好避過礁等沙，
pao-djünsing-ming min-ko tsæ-wæn dzong bih-da lu en-en jün-jün ka s-c'ih-ky'i
保全性命，免過災患，從別埭路安安然然介駛出去。

Keh-singgyiang-dao tu fæn-cün ô-wóng tsi-tsao ing-we gyi-go kyi-meo yüong-feh-djoh-go jün-li-go ho-veh do-feh-læ-go T'in kw'aliang-de gyi-lah pô ah-tia fông-tseo-de
箇星強盜都反轉慳惶擠糟，因爲其個計謀用弗着個，船裏個貨物馱弗來個。天快亮了其拉把阿爹放走了。

Dziao-shü t'e-loh-de keh-da só-nyi lu c'ih-tong-de ah-tia ziu kw'a-kw'apeng-tao liang-t'ah-li Me-tsia dziang-siteng ah-tia kôngJing-ming z dza-go pông-dzu gyi læ keh ngwe-hyin-go
潮水退落了，箇埭沙泥路出東了，阿爹就快快奔到亮塔裏。梅姐詳細等阿爹講神明是咋個幫助其來箇危險個
z'-eo hao tin-dziahteng-tsæn
時候好點着燈盞。

Keh-cü siao nyiang-ts tæn-ts we ka do Jing-ming-go Sing-shü we ka tseng-kying ah-nyiang-gokao-hyüing we ka kyi-teh nying-kô-go hao-tæ we ka kwu-djoh tsing-tsing z
箇株小娘子膽子會介大，神明個《聖書》會介尊敬，阿孃個教訓會介記得，人家個好歹會介顧着，真正是
næn-teh cong siao nyiang-ts tu kæ k'en gyi-go yang
難得，衆小娘子都該看其個樣。

Da-bih-go s-p'in di ih-pah jih-kyiu siu di ih-pah-ng tsih wô Jing-ming-go shih-wô hao-ziangteng-tsæn we tsiao-djoh ngô-go kyiah-bu hao-ziangliang-kwóng we ying-dao
大闊個〈詩篇〉第一百十九首，第一百五節，話，「神明個說話好像燈盞會照着我個腳步，好像亮光會引導
ngô-go lu-kying Dæn-nyün Gyi-go shih-wô we ih-sang ih-si tsiao-djohying-dao ah-lah cong-nying s-teh ah-lah tu neng-keotseo t'in-koh weh-ming-go lu teh-djohm-gyüong-dzing-go
我個路徑。」但願其個說話會一生一世照着引導阿拉衆人使得阿拉都能夠走天國活命個路，得着嘸窮盡個
foh-ky'i tsing-ziang keh liang-t'ah-go teng-tsæn z tsiao-djoh ying-daokeh-sing jün-zông-go nying s-teh gyi neng-keo to-bi tsiaoteng só teh-djohsing-mingteng t'a-bing
福氣，正像箇亮塔個燈盞是照着，引導箇星船上個人，使得其能夠躲避礁等沙，得着性命等太平。

Næn-kæn kwæn-meng-go shih-wô ngô iao meng ng-lah dohkeh-peng shü-go siao-nying Jing-ming-go shih-wô yiu tsiao-djoh ng ma Gyi-go liang-kwóng z læ-tih ying-dao ng ma Ng
難間，關門個說話，我要問爾拉讀箇本書個小人，神明個說話有照着爾嗎？其個亮光是來的引導爾嗎？爾
z hyiao-teh zi-go ze-ky'in teng Yiaè-su-go kyiu-eng ma Yiaè-su-go kyiu-dao ziangteng-tsæn-gokwóng yiu ming-liang ng-go ling-weng s-teh ng neng-keo ken-c'ih Mo-kwe-go
是曉得自個罪愆等耶穌個救恩嗎？耶穌個救道，像燈盞個光，有明亮爾個靈魂，使得爾能夠趕出魔鬼個
si-lu hao bi-ko gyi tseo Kyiu-cü-go weh-lu feh Jü-ko z-ka ng-go liang-kwóng yia kæ tsiao-djohming-liangbih-nying hao-ziang Kyiu-cü Yiaè-su Zi læ Mô-t'a di-ng
死路，好避過其，走救主個活路弗？如果是介，爾個亮光也該照着明亮別人，好像救主耶穌自來馬太第五
tsóng di jih-s tsih só wô Ng-lah z shü-kæn-zông-goliang-kwóng ih-zo dzing-ts kyin-læ sæn-teng tsæ-ve k'en-feh-kyin Nying-kô tin-ts lah-coh feh en-læ tao-dong ô z
章，第十四節所話，「爾拉是世間上個亮光。一座城子建來山頂再膾着弗見。人家點仔蠟燭弗安來倒桶下，是
pa-læ coh-dæ-zông gyi ziu we s kwóngpeh cong oh-li-go nying Ng-go liang-kwóng yia kæ tsiao-læ cong-nying-go min-zin s-teh gyi-lah k'en-kyin ng-go hao'ang-we we tseng-kying
擺來燭臺上，其就會賜光撥衆屋裏個人。爾個亮光也該照來衆人個面前，使得其拉看見爾個好行爲會尊敬
ng-lah T'in-zông-go Ah-tia
爾拉天上個阿爹。」

KWU-Æ-TS P'ONG-DJOHBENG-YIU 孤哀子碰着朋友

KYI-NVIN zin-deo læ Hwô-gyi-koh yiu ih-go 'eo-sang dæ ih-go lao-nyüing Gyi-lah liang fu-ts'i hao-nyih tsiu bæen-ko-ts ing-we yiu-tin dong-dintsiang-tong zi ts'eng-ts'eng
幾年前頭，來花旗國，有一個後生抬一個老孃。其拉兩夫妻，好日酒辦過仔，因爲有點銅鈿仗東，自付付，
ah-lah we ka jing-kying tao yiu foh-ky'i
阿拉會介順境，倒有福氣。

Keh-go z'-eo gyi-lah z deng-læ ih-zo dzing-ts li-hyang Tsih-yiu zing-li-go z-ken feh ziang-i gyi-lah 'eo-deo pun-tao hyiang-ô ky'i deng Læ keh-deo ih-go lang-zing-go
箇個時候其拉是屯來一座城子裏向。只有城裏個事幹弗像意，其拉後頭搬到鄉下去屯。來箇頭，一個冷靜個
di-fông gyi-lah z ma ih-kw'e di keh-kw'e di z sing k'æ-k'eng-go
地方，其拉是買一塊地。箇塊地是新開墾個。

Tsiu ngæn-zin k'en-læ da-be nyingtsong wô keh-liang fu-ts'i yiu foh-ky'i-go Tsæ-kô keh-liang-go nying z ting 'o-moh ting kông-deh-læ yia tu tso Yiaè-su-go tsiungmeng-du
周眼前看來，大備人總話箇兩夫妻有福氣個。再加箇兩個人是頂和睦，頂講了來，也都做耶穌個真門徒，
nyih-yia gyiu-k'eng ken-zia keh-we s-peh gyi ih-ts'ih hao-c'ü-go T'in-vu
日夜求懇，感謝箇位賜撥其一切好處個天父。

Saen-nyin kong-fu gyi-lah z-ka zi-yiu-zi-dzæ en-en jün-jün ko-nyih-ts feh-siang-tao keh-go z 'eo dziang-fu we sang-bing si-de teng gyi ts'ing-æ-go ts'i-ts ts'eh-leh-te-de
三年工夫其拉是介自由自在，安安然然過日子。弗想到箇個時候丈夫會生病死了，等其親愛個妻子拆了對了。
Gyi z yi-löh keh-kwu-sông-golao-nyüingteng liang-go siao-siaoshông-sang-go u-wæn
其是遺落箇孤孀個老 孀等兩個小小雙生個烏娃。

Keh-go lao-nyüing z tsing kw'u-go di-fông yi lang-löh shü-fong yi 'ah-tsah yia m-yiu kyiao-s læ-wông gyin-sang-gobeng-yiu yia ky'üih-li-go ts'ih-t'iah-go ts'ing-kyün yia deng-læ
箇個老 孀是真苦個。地方又冷落，世風又狹窄，也嘸有教師來往，虔生個朋友也缺裏個，切貼個親 眷也庵來
yün-yün-go jih-dzæ z kwu-ling-ting pe-ts'ih-leh-kying-go Gyi z-djong læ-tih k'oh-ky'i-læ wô Keh-tsao wa z dza-go kyih-sah ni
遠遠個，實在是孤伶仃，悲感勒緊個。其時常 來的哭起來，話：「箇遭還是咋個結煞呢？」

[1] 原書此處錯印爲 læ-wông

[2] 原書此處錯印爲 z-djong

Ky'ü-leh gyi yiu Sing-shü læ-tong z-djong k'en-k'en Sing-Ling yi k'æ-dao gyi-go sing wa yiu-tin teh-djoh en-wë Se-tsih dzing-gyiu z-ka læ-tih pe-shôngdziang-fu gyi
虧勒其有《聖書》來東，時常看看，聖靈又開導其個心，還有點得着安慰。雖即仍 舊時介來的悲傷丈夫，其
cong-ü siang-vôngling-ming we læ pao-yiu gyi-zi teng gyi liang-gosiao-wæn
終於想 望 神明會來保佑其自等其兩個小娃。

Me vong en-sih-nyih gyi sing-li z yüih-fah næn-ko ko-feh-ko-ky'i ing-we læ keh-go di-fông m-neh teh-djoh en-sih-go hao-c'ü li-pa-dông tengdjün foh-ing-go nying tu
每逢安息日其心裏是越發難過，過弗過去，因爲來箇個地方嘸得得着安息個好處，禮拜堂等傳福音個人都
m-neh-go
嘸得個。

We-leh ka keh gyin-sing-go ah-nyiang z 'o-jün næn-ko feh sô-teh Gyi liang-go ng-ts m-yiu sin-sang læ kao-kao gyi peh gyi neng-keodoh-doh Sing-shü ming-bah dao-li
爲了介箇虔心個阿孃是和然難過，弗捨得其兩個兒子嘸有先生來教教其，撥其能夠讀讀《聖書》，明白道理
keh-sing
箇星。

Keh liang-go ng-ts nyin-kyi wa tsih-leh loh-shü gyi hao-hao-go ah-nyiangsangziah-bing-de K'æ-kô næn-ko z-tsin gyi-zi teh-cü tsong z iao si sô-yi we-leh siao-nying
箇兩個兒子，年紀還只勒六歲，其好好個阿孃生弱病了。開家難過時節，其自得知總是要死，所以爲了小人
we z-djong læ-tih gyiu-gyüiling-ming 'Eo-deo gyi-go bingdzin-dzinhyuông-ky'i-læ tao kyih-sahteng gyi liang-go ng-ts hyüông-hyüông cü ziu ky'ü-shü-de
會時常來的求求神明。後頭其個病漸漸兇起來，到結煞等其兩個兒子 噢 噢 嘴，就去世了。

Siao-nyingmoh-djoh gyi ah-nyiang-go siu teh-cü gyi lang-lang de hyiao-teh gyi z si-de ziu long-do k'oh-ky'i-læ-de
小人摸着其阿孃個手，得知其冷冷了，曉得其是死了，就弄大哭起來了。

Ah-nyiang feh-zing si-ts teng ling-sô-kô wô Ngô z kw'a iao si tsih-z li-k'æ keh liang-gosiao-wæntsing-tsing feh sô-teh Ngô ky'i-go jü we læ kwu-djoh gyi Ngô tsih-hao
阿孃弗曾死仔等鄰舍家話：「我是快要死，只是離開箇兩個小娃真正弗捨得。我去個，誰會來顧着其？我只好
t'oh-fu jing-ming-go siu-li siang-vông Gyi tsong we læ pao-wu gyi
託付神明個手裏，想 望其總會來保護其。」

Gyi ko-ts 'eo yiu ih-veng ling-sô-kô læ siu-liu keh liang-gosiao-nying keh-go ling-sô-kô yia z kwu-sônglao-nyüing kô-li yia z gyüông-kw'u-go
其過之後有一份鄰舍家來收留箇兩個小人。箇個鄰舍家也是孤孀老 孀，家裏也是窮 苦 個。

[1] 原書此處錯印爲 ling-kô-kô

Feh-zông ih-nyin kong-fu ih-go siao-nying si-de ziu tsông-læ gyi ah-nyiang-gobông-pin tso u-sen dô-kô kw'eng-kæn
弗上一年工夫一個小人死了，就葬來其阿孃個旁邊，做烏碎大家 睷 間。

K'eo-k'eo keh-go z 'eo yiu ih-go gyin-sing-go s-meo sing-su sing Li go tao keh-t'ah hyiang-ts'eng-li læ deng Gyi yia z m-tia m-nyiang-gonying tsih-z yiu ih-ngæn dong-din-
扣扣箇個時候有一個虔心個師母，姓數姓李個，到箇埕鄉村裏來庵。其也是嘸爹嘸孃個人，只是有一眼銅鈿
go Gyi-go sing-siang z læ tso-tso hao-z tsiu-tsi gyüông-kw'u-go kao-kao siao-nying
個。其個心想是來做做好事，周濟窮 苦 個，教教小人。

Gyi teh-cü keh hyiang-ts'eng-li-gonying z ting kw'u-li-go lôh-boh mæn-fahsæn-ts'in yia fi-dæn gyi kyi-sing z ky'üih kyi-sing ing-yüông-go tong-si gyi ling-weng yia z ky'üih keh keng-kô
其得知箇鄉村裏個人是頂苦裏個，落泊慢法三千，也非但其肌身是缺肌身應用個東西，其靈魂也是缺箇更加
ing-yüông-go/jing-ming-go dao-li gyi ziu sing-li læ-teh ts'eng-ts'eng dza-go k'o-yi pông-dzu gyi
應用個神明個道理，其就心裏來得 忖 忖咋個可以幫助其。

Pin ts'eng pin tseo-go z 'eo gyi k'en-kyin ih-go siao-nying læ lu pin-yin lih-kæn siang-maosang-lehtsing hao jih-dzæ pi-cong peh-dong-go tsih-yiu i-sæn-læn-li m-neh
邊 忖 邊走個時候其看見一個小人來路邊沿立間，相貌生勒真好，實在比衆不同個，只有衣衫襤褸，嘸得
c'ün-go
穿個。

Li s-meo lih-löh meng gyi wô Siao-di ng kyiao-leh soh-ko ming-z ni Gyi wô Ngô ming-z kyiao-leh Yüô-koh
李師母立落，問其話：「小弟，爾叫勒啥個名字呢？」其話：「我名字叫勒雅各。」

Li s-meo yi meng gyi wô Ng z deng 'ah-li ni Gyi ziu siu tin-tin wô Nô læ keh-deo jü-vong bông-pin ih-kæn siao oh-li ngô z keh-t'ah-li
李師母又問其，話：「爾是庵何裏呢？」其就手點點，話：「喏！來箇頭樹縫旁邊一間小屋裏，我是箇埕裏
deng-kæn Wa-yiu ih-go Bô s-meo tengngô dô-kô deng Gyi z ih-go kwu-sônglao-nyüing yiu æ-lin kwu-djohngô feh-jün ngôtzing-tsing iao ngo-sah
庵間。還有一個琶師母等我大家庵。其是一個孤孀老 孀，有哀憐顧着我，弗然我真正要餓煞。」

Li s-meo yi wô Keh-we Bô s-meo z jü z ng-go ah-nyiang feh Gyi wô Feh-z Ngôgyiu-nyin yiu ih-go ting-hao-go ah-nyiang feh-tsiao dza dzih-din ngô
李師母又話：「箇位琶師母是誰？是爾個阿孃 弗？」其話：「弗是。我舊年有一個頂好個阿孃，弗照咋值鈿我
teng ngô-go ah-di yi we tso-tso i-zông peh ah-lah c'ün yi we long-longvæn peh ah-lah ky'üoh yi we kao-kao ah-lah doh-shü kông-kông Yîæ-su dao-li peh ah-lah t'ing
等我個阿弟，又會做做衣裳撥阿拉穿，又會弄弄飯撥阿拉 喫，又會教教阿拉讀書，講 講耶穌道理撥阿拉聽，
gyiu-gyüiling-ming pao-wu kwu-djoh ah-lah
求求神明保護顧着阿拉。」

[1] 原書此處錯印爲 ah-myang

[2] 原書此處錯印爲 gyiu-myin

Lí s-meó yí wǒ Yín-dzæ ng-go ah-nyiang læ 'ah-li Gyi liu ngæn-li wǒ Ah-nyiang z yí-kying sí-de Gyi z tsǝng-læ keh-deo ih-go veng-li
李師母又話：「現在爾個阿孃來何裏？」其流眼淚，話：「阿孃是已經死了。其是葬來箇頭一個墳裏。」

Lí s-meó yí wǒ 'Ah-li ih-yüih veng z ng-go ah-nyiangtsǝng-kæn Gyi wǒ Z keh-yüih do-do-go læ keh hwǝ-yün li-hyang ôh-koh-loh-den-go Ngô hao-hao-go
李師母又話：「何裏一穴墳是爾個阿孃葬間？」其話：「是箇穴大大個，來箇花園裏向惡角落頭個。我好好個
ah-nyiang z tsǝng-læ keh-cü jú 'ò-go ngǝ siao-siao-go ah-di yia z tso u-sen kw'eng-kæn En-tsǝng-go z 'eo di-nyang z gyüih-leh sing-sing-go ngǝ ah-nyiang-goveng pi
阿孃是葬來箇株樹下個，我小小個阿弟也是做烏碎咽間。安葬個時候地垵是掘勒深深個，我阿孃個墳比
ah-di-go veng wa gyüih-leh sing-tin Ngô ih-sang ih-si feh neng-keo tsæ k'en-kyin gyi K'o-sih K'o-sih Gyi yí teng s-meó wǒ Ng hao teng ngǝ ky'i k'enveng-mo
阿弟個墳還掘勒深點。我一生一世弗能夠再看見其。可惜！可惜！」其又等師母話：「爾好等我去看墳墓
feh S-meó wǒ Keh-zǝng ngǝ feh-ky'i k'en 'ò-tsao ky'i z-de Ngǝnæn-kæn iao teng ng kǝng ih-fæn
弗？」師母話：「箇晌我弗去看，下遭去是了。我難間要等爾講一番。」

[1] 原書此處錯印爲 Ah-li

Siao-nyingt'ing-meng s-meó ka wǒ ziu sing-kwǝ k'æ-k'æ-læ-de tsih-z gyi yüih-kǝng s-meó yüih k'en-c'ih gyi ah-nyiang-go hao-hao kao-hyüing ts'ǝ-feh-to mǝng-kyi-de S-meó ding-kwe
小人聽聞師母介話，就心掛開開來了，只是其越講，師母越看出其阿孃個好好教訓差弗多忘記了。師母定規
læ keh hyiang-ts'eng-li iao kæ ih-kwun shü-vǝng s-teh keh-sing siao-nying hao læ doh-doh sing-shü t'ing-t'ing dao-li ziu teng gyi bih-ih-bih tseo-k'æ-de
來箇鄉村裏要蓋一管書房，使得箇星小人好來讀讀聖書，聽聽道理，就等其別一別走開了。

'Eo-deo s-meó tseo-tao keh-hyang-ts'eng-lime-veng nying-kǝ-go oh-li ky'i t'ǝng-cü gyi-go sing-siang ts'ing-ts'ingcong siao-nying læ doh-doh shü
後頭師母走到箇鄉村裏每份人家個屋裏去通知其個心想，請請衆小人來讀讀書。

K'o-sih da-kæ nying tsih-we c'ü-siao gyi Yüu-teh wǒ Keh dza-go ka-shih Keh sing-sin veng-fah ah-lah tao m-neh k'en-kyin-ko yia m-neh t'ing-meng-ko keh tsing-tsing z
可惜！大概人只會取笑其。有得話：「箇咋個解說？箇新鮮文法阿拉到無得看見過，也無得聽聞過，箇真正是
hyi-gyi
稀奇。」

Keh-sing iao-dzing-go nyü-nying z pi da-kæ nying keng-kǝ k'eh-ts'eng keh-go z-ken gyi-lah tu z-ka feng-feng peh-ih læ-tih nyi-leng gyi
箇星老成個女人是比大概人更加刻忖箇個事幹。其拉都是介紛紛不一來的議論其。

Shü-vǝng zo-ky'i-læ deo sæn-s li-pa tsih-yüu ih-go 'oh-sang-ts læ doh ziu-z siao Yüǝ-koh Se-tsih z-ka Lí s-meó ih-ngæn feh yia-dæ ih-ngæn feh-k'enghyih Gyi hyiao-
書房坐起來頭三四禮拜只有一個學生子來讀，就是小雅各。雖即是介，李師母一眼弗懈怠，一眼弗肯歇。其曉
teh jing-mingtsong we læ pǝng-ts'eng gyi s-teh shü-vǝng we hying-ky'i-læ keh-lah nyih-nyih-sing-sing z-dǝng læ kao-hyüing keh ih-go siao-nying
得神明總會來幫襯其，使得書房會興起來，箇拉熱熱心心時常來教訓箇一個小人。

Tsæ ko-leh kyi-go li-pa nying-kǝ k'eh-ts'eng-gosingdzin-dzin t'e-de tao shü-vǝng-li læ doh-shü-go siao-nyingdo-nyiang to-ky'i-læ-de teng-tao shü-vǝng-li-go zo-deo tu zo-
再過了幾個禮拜人家刻忖個心漸漸退了，到書房裏來讀書個小人大樣多起來了，等到書房裏個座頭都坐滿
mun-de
了。

Shü-vǝng yí-kying zo-leh liang-nyin Yüǝ-koh-go nyin-kyi yiu kyiu-shü-de Lí s-meó k'en-kyin gyi min-seh bah-liao-liao-go kyí-sing yia seo-seo-go yí coh-kwunt'ing-meng gyi læ-tih
書房已經坐了兩年，雅各個年紀有九歲了。李師母看見其面色白鰓鰓個，肌身也瘦瘦個，又只管聽聞其來的
wǒ z m-ky'i-lih sing-li ziu pehjing-siang næn-ko-ky'i-læ-de
話「是無氣力」，心裏就不忍相，難過起來了。

Tsædeng-leh kyí-nyih Yüǝ-koh-go kyiah ve tseo gyi feh neng-keo tao shü-vǝng-li ky'i Lí s-meó ziu tseo-tao gyi-go oh-li læ mǝng gyi læ keh-deo dzing-gyi kao-hyüing gyi yia
再屯勒幾日雅各個腳膯走，其弗能夠到書房裏去。李師母就走到其個屋裏來望其，來箇頭仍舊教訓其，也
ling-leh gyi tao lu-zǝng mæn-mæn ky'i tseo-tseo
領勒其到路上慢慢去走走。

Yiu ih-nyih Yüǝ-kohts'ing Lí s-meó dô-kǝ tao gyi ah-nyiang-goveng-deo ky'i k'en-k'en yiu ts'ao læ veng-li c'ih-kæn Gyi siao-go veng-li yiu hwǝ k'æ-kæn keh-go hwǝ z Yüǝ-koh zǝ só cong
有一日雅各請李師母大家到其阿孃個墳頭去看看有草來墳裏出間。其小個墳裏有花開間，箇個花是雅各自所種
-tih-go
的個。

Keh-go z 'eo t'in-kǝ nyih-nyih-go Lí s-meó teng Yüǝ-koh ky'i zing fong-liang-tin-go di-fǝng ziu læ veng-go bǝng-pin tu dô-kǝ zo-zo siao-nying ih-k'eo feh-k'æ ts'ia-kwu zǝ
箇個時候天家熱熱個，李師母等雅各去尋風涼點個地方，就來墳個旁邊都大家坐坐。小人一口弗開，且顧自
sing-li en-dong-dong læ-tih ts'eng
心裏暗洞洞來的忖。

Lí s-meó yia læ sing-li læ-tih ts'eng-ts'eng Gyi ts'eng-tao keh-go siao-nyingtsong yiu gyi ah-nyiang-go ziah-bing sang-tih m-yiu to-siao kong-fu hao deng ziu iao ky'ü-shü-de
李師母也來心裏來的忖忖。其忖到箇個小人總有其阿孃個弱病生的，嘸有多少工夫好庋，就要去世了。

Siao-nying-gosing-siangtsing hao siang-te-go gyi tsih-we ngæn-tsings'ing-ting k'en-leh Lí s-meó wǒ Ngô z feh neng-keo tsæ t'ing s-meó-go hao-hao kao-hyüing ngǝ z feh neng-keo
小人個心想正好相對個，其只會眼睛清叮看勒李師母，話：「我是弗能夠再聽師母個好好教訓，我是弗能夠
dziang-kyiu læ shü-kæn-zǝng læ-tong m to-siao nyih-ts kǝng-p'ǝngǝ iao si
長久來世間上來東，嘸多少日子恐怕我要死。」

Keh liang-go nyingk'eo-ngæ zo-leh hyü-to kong-fu hweh-r-jün Yüǝ-koh bǝ-ky'i-sing ky'i ao ih-kwang jü-go ô-ts siao-tao siah-siah-hao ziu tao gyi ah-di-go veng-mo ky'i liang-
箇兩個人口呆坐了許多工夫，忽而然雅各爬起身，去拗一梗樹個桠枝，小刀削削好，就到其阿弟個墳墓去量
liang-siang
量相。

Keh-tsao gyi teng Lí s-meó wǒ S-meó ts'ia k'en keh veng-mo-go dziang-tǝnteng ngǝ iao yüǝng-goveng-mo pi-læ z tǝn-tin Ngô feh-zing t'ing ng-go kao-hyüing z m-deo-jü ko
箇遭其等李師母話：「師母且看箇墳墓個長短等我要用個墳墓比來是短點。我弗曾聽爾個教訓是嘸頭緒過
nyih-ts ih-ngæn feh ts'eng-tao si-go z-ken ih-ngæn feh siang-vǝngjing-ming we læ kyiu ngǝ yia ih-ngæn feh hyiao-teh Yia-su joh-ze-go dao-li Ngǝnæn-kæn yiu ih-go i-s
日子，一眼弗忖到死個事幹，一眼弗想望神明會來救我，也一眼弗曉得耶穌贖罪個道理。我難間有一個意思

iao meng ng ts'ing ng wô-hyangngô dao
要問爾，請爾話向我道。」

[1] 原書此處錯印爲 tôn-tin

Li s-meo teng gyi wô Soh-go i-s iao mengngô ni Ng yüong wô-c'ih-läe peh ngô't'ing
李師母等其話：「啥個意思要問我呢？爾用話出來撥我聽。」

Yüô-koh ziu teng Li s-meo wô Ng ts'eng-ts'engngô keh-go bing we hao ve S-meo wô Ngô z-jün siang-vông ng-go bing we hao-gyi daen-z ng soh-go i-s mengngô
雅各就等李師母話：「爾忖忖我箇個病會好膾？」師母話：「我自然想望爾個病會好其，但是爾啥個意思問我呢？」

Yüô-koh wô Ngô-zi hyiao-teh ngô-go bing ih-ding ve hao ngô hyiao-teh tsäe z ih-hyih ngô pih-ding tengah-nyiang ah-di tso u-sen ky'i kw'eng-kaen Ah-nyiangteng ah-di yia
雅各話：「我自曉得我個病一定膾好，我曉得再是一歇我必定等阿孃、阿弟，做烏碎去睏間。阿孃等阿弟也自然會歡喜我到其拉個地方去。」

Li s-meo t'ing-meng keh-fäen shih-wô ziu c'ih ngaen-li Yüô-koh k'en-kyin gyi c'ih ngaen-li teng gyi wô Feh-k'o k'oh hao-vongpe-shông ngô z feh-pô si Ngô si-'eo ziu we hyiang
李師母聽聞箇番說話就出眼淚。雅各看見其出眼淚等其話：「弗可哭，好甯悲傷，我是弗怕死。我死後就會享福。箇是爾自只管等我話，我也來《聖書》讀過了。」阿拉主耶穌基督是特爲到世間上來救罪人。我是一個罪人，耶穌總會救我，使得我好享福，所以我一眼弗怕死。我是頂愛敬箇位頂慈悲個救主，嘸幾時我會去看見其。來其個烏碎我也會再碰着阿孃等阿弟。將來師母到箇個地方我也會等爾再相會。難間我有一樣事幹要託爾。我死之後爾用話向別個學生子道，撥其拉曉得其都也必定死，或者像我年紀輕，或者年紀長命，是嘸數個。但是遲早其拉都必定要死。所以都必要時常預先備好，預先相信救主耶穌，做其個真門徒。」

[1] 原書此處錯印爲 ah-nying

[2] 原書此處錯印爲 myin-kyi

Tsäe deng-zông kyî-nyih Yüô-koh-go binghyüong-ky'i-läe-de Li s-meo nyih-nyih tao gyi-go oh-li ky'i mông-mông gyi kông Sing-shû-go shih-wô en-we gyi sing
再庖上幾日雅各個病兇起來了。李師母日日到其個屋裏去望望其，講《聖書》個說話安慰其心。

Yiu ih-nyih Li s-meo zo-läe gyi min-zông pin-yin Yüô-koh dön-kyi ky'ü-shü-de Feh-zing si-go zin-deo gyi en-en jün-jün kw'eng-joh 'o-yin yüih-seh ih-ngaen m-neh mô-wông
有一日李師母坐來其眠牀邊沿雅各斷氣去世了。弗曾死個前頭其安安然然睏熟，和顏悅色，一眼嘸得麻惶幾糟，是介安安心心去了。

Li s-meo teng gyi ngaen-tsing lo-lo-lôh pi-long-ts ziu song gyi tao veng-deo yi feh só-teh gyi yi hwun-hyi gyi yi-kying tao-leh T'in-dông foh-ky'i m-gyüông-dzing-go
李師母等其眼睛擄擄落，閉攏仔，就送其到墳頭，又弗捨得其，又歡喜其已經到了天堂，福氣嘸窮盡個地方。

AO-HWE SHIH-HWÔNG KY'IN-TSAO. 懊悔說謊欠早

YIU ih-go ah-tia ky'ün-ky'ün gyi siao-nying wô Yiu ih-ky'i z-ken ngô djong-sang djong-si ve mông-kyi keh-ky'i z-ken ngônæn-kaen we dziang-sikông-peh ng t'ing
有一個阿爹勸勸其小人，話：「有一起事幹我重生重世膾忘記，箇起事幹我難間會詳細講撥爾聽。」

Ngô siao-läe z-tsin ngô-go ah-tia feh-tsiao dza dzih-din ngô pi da-käe-go ah-tia keng-kô ts'ing-æ ngô Ngô tao shû-vông-li ky'i doh-shü gyi we bao ngô zôngmô-teng teng gyi-zi
「我小來時節我個阿爹弗照咋值鈕我，比大概個阿爹更加親愛我。我到書房裏去讀書其會抱我上馬鐙，等其自大家騎仔。我有啥個想望，啥個心想，其會幫助我好依順。我要得着啥個東西，其會買撥我。我箇個時候弗照咋安安耽耽過日子，弗照咋有福氣，我個福氣也是其個福氣。」

Ka z-tsin ngô nyin-kyi wa tsih-leh ts'ih-shü-de Yiu ih-nyih ah-tia kyü oh-li we næn-ko ngô meo-lao yia z sang-bing tsih-yiu ngô tengliang-go ah-tsi hao tông-dzih gyi
「介時節我年紀還只勒七歲了。有一日阿爹歸屋裏會難過，我母老也是生病，只有我等兩個阿姊好當值其。」

Gyi-go bing tsih-we dzin-dzinhyüong-ky'i-läe Keh-sing yiu ming-deo-go i-sang tu ts'ing-pin yia i-feh-hao
「其個病只會漸漸兇起來。箇星有名頭個醫生都請遍，也醫弗好。

Yiu ih-nyih tsaot'in-nyiangngô k'en-kyin gyi-go siang-mao yüih-fah næn-ko ziu tseo-tsing gyi-go vông-li ky'i k'en gyi Keh-tsao gyi tengngô wô Siao-wæn ngô kyih-mih feh-tsiao dza
「有一日早天亮我看見其個相貌越發難過，就走進其個房裏去看其。箇遭其等我話：『小娃，我今末弗照咋難過，我要爾等我去做一樣事幹。來箇張竹凳上有一個藥方，爾用馱仔立刻奔到藥店裏，交付解先生，其就會捉藥撥爾。切弗可遊路；用快快去，快快來，是了。』

Ngô do-leh fông-ts peng-tao yiah-tin-li lu yiu ih-li ka kwông-kying Tseo-tao-ts yiah-tin yiu kwaen-kaen yia m-nying läe-tih ing-we z li-pa-nyih-ts
「我馱勒方子奔到藥店裏。路有一里介光景。走到仔，藥店有關間，也無人來的，因爲是禮拜日子。」

Ka sin-sang z deng-läe zi-go oh-li lu wa iao ko-ky'i-tin tsäe-z pun-to li ngô ziu k'ò-ding cü-i feh-ky'i zing gyi
「解先生是庖來自個屋裏，路還要過去點，再是半多里。我就拘定主意弗去尋其。」

Keh-tsau tseo-cūn-lāe ngō lu-li lāe-tih tang-sōn dza-go hao we-teh ah-tia Ngōh-yiao-tehkōng-hwōng-wō z ting-w̃-a-go tsih-z ts'eng-ts'eng keh-vah z m-shih-fah
「箇遭走轉來我路裏來的打算咋個好回答阿爹。我曉得講謊話是頂壞個，只是忖忖箇伐是嘸設法。」

Kyū-tao-ts ngō ziu tao ah-tia u-sen ky'i k'en gyi Tseo-tsing gyi vōng-li ngō ziu k'en gyi z 'o-jūn t'ong-sah-de min-k'ong liau-bah ky'i nao-k'oh-deo'en c'ih-leh t'ōng-liu tsing-tsing z t'ong-leh k'o-lin k'en-kyin gyi ka-go siang-mao ngō sing-li ziu ko-feh-ko ky'i ing-we yiah m-neh do-lāe
「歸到仔我就到阿爹烏碎去看其。走進其房裏我就看其是和然痛煞了，面孔鰓白氣，腦殼頭汗出勒湯流，真正是痛勒可憐。看見其介個相貌，我心裏就過弗過去，因為藥嘸得馱來。」

Keh-tsau ah-tia tengngō wō Ngō-go ng-ts ngō z hyūih-singsiang-vōng ng lāe ng ky'i do-go yiah ngō z teng-feh-tao-cū ng yin-dzæ lih-k'eh peh ngōky'ūoh ky'ūoh-ts keh-go t'ongiao-bōng we ts'ò-tin
箇遭阿爹等我，話：「我個兒子，我是血心想望爾來，爾去馱個藥我是等弗到知，爾現在立刻撥我喫，喫仔箇個痛要防會瘥點。」

T'ing-meng-ts ngō ziu be liang-singtsah-vah deo tsih-we eo-tæn-tao ky'ing-ky'ing ing gyi wō Tia-tia ngō yiah m-neh do-lāe Ka sin-sang wō keh-go yiah lāe gyi-lah-go tin-li z m-neh-go
「聽聞仔我就被良心責罰，頭只會偃帶倒輕輕應其，話：『爹爹，我藥嘸得馱來。解先生話，箇個藥來其拉個店裏是嘸得個。』」

Ah-tia tengngō wō Keh tao hyi-gyi Dza-we keh-go yiah lāe gyi-lah tin-li m-neh-go ni Ziu ngæn-tsings'ing-ting k'en ngō ôh-ziang yiu-tin nyi-sing ngō tsih-z taen-tsih ky'ing-yin k'ao-nyüteng ngō wō Ng k'en ah-tia z-ka lāe-tih t'ong-sah z we-leh yiah m-neh ky'ūoh ng yiu teh-cū feh
「阿爹等我話：『箇倒稀奇。咋會箇個藥來其拉店裏嘸得個呢？』就眼睛清盯看我，惡像有點疑心我。只是單只輕言考語等我話：『爾看阿爹是介來的痛煞是爲了藥嘸得喫，爾有得知弗？』」

[1] 原書此處錯印爲 ky'ing-yiu

Ka wō-ts ngō ziu tseo-c'ih-lāe sing-li feh-tsiao dza næn-ko Tseo-tao zi-go vōng-li ziu long-do ngæn-li beh-c'ih k'oh feh diao-dzih
「介話仔我就走出來，心裏弗照咋難過。走到自個房裏就弄大眼淚淳出，哭弗調直。」

Deng ih-hyih yiu nying lāe eo ngō iao ngō kw'a-kw'a tao ah-tia u-sen ky'i Tseo-tsing-ts ngō k'en-kyin liang-go ah-ko teng ah-tsi tu lāe min-zōng pin-yin lih-kæn ngō yia t'ing-meng ah-tia lāe-tih kao-hyūing gyi kae z-djōng hyiao-jingah-nyiang kae tso-nyingtōn-tsing kwe-kyū kae i-jing T'in-vu ih-ts'ih-go ts-i ka tso
「庀一歇有人來謳我，要我快快到阿爹烏碎去。走進仔我看見兩個阿哥等阿姊都來眠牀邊沿立間，我也聽聞阿爹來的教訓其，該時常孝順阿孃，該做人端正規矩，該依順天父一切個旨意介做。」

Ngō z ah-tia ting-siao-go ng-ts teng gyi-lah pi-lāe nyin-kyi ts'ò yiu-ho Keh-go z-'eo gyi pō gyi-go siu en-lāe ngō-go deo-zōng wō Tsæ-z ih-zōng ngō ziu ky'i-de ng z m ah-tia de dengliang-nyih kong-fu ngō iao tsōng-lāe veng-mo-li ng ih-sang ih-si feh neng-keo tsæ k'en-kyin ngō Ngōnæn-kæn iao ky'un ng tsong iao tso-nying jing-kwe dao-kyū i-jing T'in-vu-go feng-fu k'en-dzong Kyiu-cū-go pōng-yiang tingiao-kying ih-ngæn feh-k'ò kōnghwōng-wō kyū-tang-kyū kae tōn-tsing lôh-dzih
「我是阿爹頂小個兒子，等其拉比來年紀差有夥。箇個時候其把其個手按來我個頭上，話：『再是一晌我就去了，爾是嘸阿爹了，庀兩日工夫我要葬來墳墓裏，爾一生一世弗能夠再看見我。我難間要勸爾總要做人循規蹈矩，依順天父個吩咐，看從救主個榜樣。頂要緊一眼弗可講謊話，句打句該端正，落直。』」

[1] 原書此處錯印爲 Kyin-cū-go

Keh-tsau ah-tia tengngō tso tao-kao ts'ih-singgyiu-k'eng T'in-vu pōng-dzu tò-hwō ngō Keh-go z-'eo ngō sing-li feh-tsiao dza næn-ko ngōngæn-tsing feh-ken dæ-ky'i k'en ah-tia Ngō z hyiao-teh zi-go ze tsih-z k'o-sih feh-k'engtsiao-jing
「箇遭阿爹等我做禱告，切心求懇天父幫助朵化我。箇個時候我心裏弗照咋難過，我眼睛弗敢抬起看阿爹。我是曉得自個罪，只是可惜弗肯招認。」

[1] 原書此處錯印爲 pōng-dzn

Deng ih-zōng ngō ziu 'ao-li da-k'oh dzong vōng-li hweh-r-jūn peng-c'ihhao-ziangdao-tseo ka
「庀一晌我就號淚大哭，從房裏忽然而奔出好像逃走介。」

'Eo-deo yiu nying lāe t'ong-cū ngō ah-tia-go bing yū-kō li-'æ-de lin ih-kyū shih-wō tu ve kōng-de Ngō-go i-s z iao tsæ tao ah-tia-go u-sen ky'i gyiu nyiao-sō ziu ky'ing -ky'ingtsao-tsing ky'i lh-tseo-tsing ziu t'ing-meng kyiao-s teng ah-tia lāe-tih tso tao-kao Gyī ih-kyū shih-wō ngōūong-sang ve mōng-kyi Gyī z-ka wō Gyiū Ng T'in-vu tsiao-kwu keh lāe-tih ky'ū-shū-go nying
後頭有人來通知我阿爹個病愈加厲害了，連一句說話都膾講了。我個意思是要再到阿爹個烏碎去求饒赦，就輕輕走進去。一走進就聽聞教師等阿爹來的做禱告。其一句說話我永生膾忘記。其是介話：『求爾天父照顧箇來的去世個人。』

[1] 原書此處錯印爲 T'in-vn

Ngōt'ing-meng keh-kyū shih-wō sing-li feh-tsiao dza næn-ko ziang yiu ts' c'oh ngō ka Ngō ziu kw'a-kw'anyiah-leh mao-ts peng-tao Ka sin-sang oh-li ky'i do keh-go yiah yiah ih-kyi teh-djoh-ts ziu sah-k'eo 'eo-ky'i-lih tsæ peng-tao zi-go oh-li lāe Tseo-tsing-ts ziu peng-zōng ah-tia-go vōng-li do-do sing-hyang eo-ky'i-lāe wō Ngō ah-tia ngō
「我聽聞箇句說話心裏弗照咋難過，像有刺戳我介。我就快快捏勒帽子奔到解先生屋裏去馱箇個藥。藥一記得着仔就煞口候氣力再奔到自個屋裏來。走進仔就奔上阿爹個房裏，大大聲響謳起來，話：『我阿爹，我阿爹，藥來東了。』」

Tsih-z yiu nyingteng ngō wō Feh-k'ò hyiang Keh-tsau ngō k'en-kyin lāe ah-tia vōng-li-go nying tu ngæn-li beh-c'ih ah-tia zi-go min-k'ong bah-bah-go de tsing-ziang si-go siang-mao ka
「只是有人等我話：『弗可響。箇遭我看見來阿爹房裏個人都眼淚淳出，阿爹自個面孔白白個了，正像死個相貌介。』」

'Eo-deo ngō teh-cū ngō ting-hao-go ah-tia tsing-tsing z si-de K'o-sih K'o-sih ngōteng gyi sō-kōng-go kyih-sah ih-kyū shih-wō z hwōng-wō
「後頭我得知我頂好個阿爹真正是死了。可惜！可惜！我等其所講個結煞一句說話是謊話！」

Keh-tsaò ngô k'oh-leh shông-sing ts'eng-ky'i ah-tia-go hao-hao 'ang-i dong-dzing ky'ing-ky'ingfaen-faen nyün-nyünsiang-siang-go shih-wô teng z-djong dæ ngô-go z-ken yi ts'eng-
「箇遭我哭勒傷心，忖起阿爹個好好行意動靜，輕輕泛泛，軟軟相相個說話，等時常待我個事幹；又忖
tao ngô-zi-go ze-ky'in we kônghwóng-wô p'in-p'in ka hao-go do-nying we ka læn-do feh ky'i do yiah s-teh gyi iao-bông we-leh yiah feh ky'üoh-ts z dön-ky'i-de Ngô-go ze tsin
到我自個罪愆，會講謊話騙騙介好個大人，會介懶惰弗去馱藥，使得其要防爲了藥弗喫仔是斷氣了。我個罪真
g-tsing z do-do-go ngô-go pe-shông yia pe-shông feh-ko-ky'i-go
正 是大大個，我個悲傷也悲傷弗過去個。」

[1] 原書此處錯印爲 ang-i

[2] 原書此處錯印爲 z-djong

Tsædengliang-nyih ah-tia ziu en-tsông hao-de Ngô sing-li-go t'ong-kw'u jih-dzæ z tông-feh-ky'i se yiu deh-ma-go beng-yiu læ kông en-wê-go shih-wô ngô ih-ngænfeh-k'engt'ing
「再庖兩日阿爹就安葬好了。我心裏個痛苦實在是擋弗起，雖有特買個朋友來講安慰個說話，我一眼弗肯聽
ky'ün Gyi-lah tu feh hyiao-tehngô sing-li-go djong-tæn keh-lah feh neng-keoky'ün-wengô
勸。其拉都弗曉得我心裏個重擔，箇拉弗能夠勸慰我。」

Ko-leh kyi-nyih ah-lah zi-kô nying tu tseo-k'æ-de Gyi-lah en-teng ngô læ ih-zo shü-vông-li Yiu jih-nyin-go kong-fu ngô m-neh kyü-tao peng-hyang læ Ngô læ-ts ziu
「過了幾日阿拉自家人都走開了。其拉安頓我來一坐書房裏。有十年個工夫我嘸得歸到本鄉來。我來仔就
tseo-tao ah-tia-go veng-deo ky'i k'en-siang gyi Keh-deo ngô ngæ-peh-leng-teng lih-ts k'en-leh pun-nyih
走倒阿爹個墳頭去看相其。箇頭我呆不愣敦立仔看了半日。」

Ngô keh-go z'eo tsih-yiu ih-fæn sing-siang Ziah-neng-keo eo ah-tia tsæ bô-ky'i hao gyiu gyi-go nyiao-sô ziu-z læng-ts'inleng-væn-go nying-ts ngô tu dzing-nyün do-c'ih
「我箇個時候只有一番心想。若能夠謳阿爹再爬起，好求其個饒赦，就是論千論萬個銀子我都情願馱出，
tsih-z ky'in-tsaò-de Gyiü ah-tia nyiao-sô-go z'eo yi-kying yiu jih-nyin ko-de Ngô yin-dzæ tsih-hao ao-hwe kæ-ko gyiu-gyiu t'in-zông-go Ah-tia æ-lin ngô pô ngôkônghwóng-wô
只是欠早了。求阿爹饒赦個時候已經有十年過了。我現在只好懊悔改過求求天上個阿爹哀憐我，把我講謊話，
p'in do-nying-go ze teng yü-to ih-ts'ih-go ze tu yüong Kyiu-cü Yia-su-go pao-hyühgyiang-diao
騙大人個罪，等餘多一切個罪，都用救主耶穌個寶血澆掉。」

[1] 原書此處錯印爲 Kyin-cü

Næn-kæn ng-lah dohkeh-peng shü-go siao-nying yiu iao-kying-go i-s læ-tih ngô iao ng-lah we ts'eng-lehming-bah ziu-z siao-nying yia we væn-ze yia hao we-be T'in-vu-
難間爾拉讀箇本書個小人，有要緊個意思的，我要爾拉會忖勒明白。就是，小人也會犯罪，也好違背天父
go feng-fu yia hao feh-t'ing zi-go shü-kæn-zông do-nying-go shih-wô Yia fi-dæn keh-sing ze-ky'in we væn-djoh ko-ko siao-nying yia yi-kying tu væn-djoh-ko-de
個吩咐，也好弗聽自個世間上大人個說話。也非但箇星罪愆會犯着，個個小人也已經都犯着過了。

Keh-go siao-wæn yiu sæn-ying ze ming-ming væn-tih ih z we-be Jing-ming-go feng-fu eo gyi yüonghyiao-jing vu-meo tsiao ng-diao kyæ sô-wô-tih nyi z kông
箇個小娃有三樣罪明明犯的。一、是違背神明個吩咐，謳其用孝順父母，照五條誠所話的；二、是講
hwóng-wô yia z Jing-ming sô u-su-go sæn z feh-we mô-zông ky'i jing-ze gyiü ah-tia-go nyiao-sô
謊話，也是神明所惡慥個；三、是弗會馬上去認罪，求阿爹個饒赦。

[1] 原書此處錯印爲 sô-wô-tih

Dæn-nyüncong dohkeh-peng shü-go siao-nying tu feh-we k'en gyi-go pông-ying Dæn-nyün T'in-vu we s-lôh gyi Sing-Ling hao pông-dzu ng-lah tu feh-we kônghwóng-wô 'oh-tsia væn-djoh bih-
但願衆讀箇本書個小人都弗會看其個榜樣。但願天父會賜落其聖靈好幫助爾拉都弗會講謊話，或者犯着別
yang ze-ky'in Jü-ko we-leh nyüoh-sing-gonyün-ziah we-leh Mô-kwe-go t'iao-so 'oh-tsia we-leh bih-ying-kaoyün-kwu yiu ze væn-teh dæn-nyün ng-lah tu we kw'a-kw'a ky'i
樣罪愆。如果爲了肉身個軟弱，爲了魔鬼個挑唆，或者爲了別樣告緣故有罪犯得，但願爾拉都會快快去
jing-ze gyiu-gyiu nyiao-sô
認罪，求求饒赦。

[1] 原書此處錯印爲 Mô-kwe-go

[1] 原書此處錯印爲 t'iao-sô

Tso-nying k'o-pi keh-hæ ko-ying
做人可比隔海過洋，

[1] 原書此處錯印爲 k'eh-hæ

Hæ-min yi kw'eh yi moh-ts'eh-en
海面又闊，又墨漆暗；

lh-sang ih-si k'o-pi z hæ
一生一世可比是海，

Tao 'ô-si yia k'o-pi zông-ngen
到下世也可比上岸。

Üô-tông feh-zing we-be Jing-ming
亞當弗曾違背神明，

Dong-sing k'æ-jün yiu hao-hao t'in
動身開船有好好天；

Jīng-fong wun-wun-leh yiang-ky'i-lāe
順風緩緩勒揚起來，

T'in-dōng-go mô-deo k'en-leh-kyin
天堂個碼頭看勒見。

Væn-ze ts-'eo hæ-li tsôh-lông
犯罪之後海裏作浪，

Gwông-fong ziu teo-deo bih-loh-lāe
狂風就兜頭別落來；

Nyih-deo loh-sæn-de t'in ts'eh-en
日頭落山了，天漆暗，

Zōngt'in-dōng hæ-lu s-feh-lāe
上天堂海路駛弗來。

Nyüoh-sing-go s-yüoh ziu-z lōng
肉身個私慾就是浪；

Mang-fong ziu-z mô-kwe mi-'lōh
猛風就是魔鬼迷惑，

[1] 原書此處錯印爲 Mông-fong

Pa ngeo-ziang ziu-z tseo en-lu
拜偶像就是走暗路；

Jün ngô-tsiao ziu-z nying vah-lōh
船碇礁就是人罰落。

Feh-jün ngô kying-z-ka mih-vông
弗然我竟是介滅亡，

Ky'ü-leh Jīng-ming kah-nga k'æ-eng
虧勒神明格外開恩；

Yiæ-su lōh-væn læ djün Foh-ing
耶穌落凡來傳福音，

K'o-pi tin hæ-đu-zōng t'ah-teng
可比點海塗上塔燈。

Ng-lah siao-nying nyin-kyi se ky'ing
爾拉小人年紀雖輕，

Keh-kwunteng-long ng yia k'o tin
箇管燈籠爾也可點；

Yia k'o-yi ky'ünbih-nying hwe-kæ
也可以勸別人悔改，

[1] 原書此處錯印爲 bih-nyng

Siang-sing Yiæ-su dô-kô zōng t'in
相信耶穌大家上天。

CONG
終。